

代新承意恣觀仰折神葩俯採朝蘭想惠風於蘅薄眷椒陰於瑤壇尔  
乃浮三翼戲中津潛鯁駭驚翰起沈絲結飛矰理挂歸翻於赤霄之表出  
華鱗於紫潭之裏然後縱櫂隨風弭楫乘波吹孤竹撫雲和川客唱淮南  
之曲榜人奏採菱之歌歌曰乘鷁舟兮爲水嬉臨芳洲兮拔靈瑟之樂以忘  
戚遊以卒時窮夜爲日畢歲爲期此蓋宴居之浩麗子豈能從我而處之  
乎公子曰余病未能也大夫曰若乃白商素節月既授衣天疑地閉風厲霜  
飛柔條多勁密葉晨稀將因氣以効殺臨金郊而講師尔乃列輕武整戎  
剛建雲髦啓雄芒駕紅陽之飛燕驂唐公之驕驕屯羽隊於外林縱輕  
翼於中荒尔乃張脩罽布飛羅凌黃岑挂青鸞畫長壑以爲限帶流  
谿以爲關既乃內無疏蹊外無漏跡叩鉦散校舉麾賛獲鼓金機馳鳴  
鏑翦剛豪落勁翻連騎競驚駢武齊轍翕忽揮霍雲迴風烈嘯動響  
飛形移影發舉戈林聳揮鋒電滅仰傾雲巢俯彈地穴乃有圓文之研  
斑題之縱鼓鬣風生怒目電睨口齧霜刃足撥飛鋒軌林蹶石扣拔幽叢  
於是飛黃奮銳實育逞伎蹶封狝攢馮豕拉翹騰挫解紕劫爪摧踞